

## 2017an erregistratutako langabezia

2017an zehar LANBIDEko bulegoetan 15.489 pertsona langabe gutxiago erregistratu dira. Horrek esan nahi du murrizketa balore erlatiboetan % 6koa izan dela, eta 241.922 langabe ezberdin egon direla urtean zehar.

### • S E X U A

Azken urtean langabezian dauden erregistratutako pertsona kopurua bai gizonezkoen artean bai emakumezkoen artean murriztu egin da. Lehenengoen artean % 7,8 jaitsi da eta bigarrenengoen artean % 4,4 (112.420 gizonezko erregistratu dira urtean zehar eta 129.502 emakumezko). Gaur egun langabeen % 53,5 emakumeak dira. Krisia hasi zenean, aldiz, langabe kopurua berdintsua zen bi sexuetan, gizonezkoen artean langabezia orain baino handiagoa zen eta. Gizonezkoen artean krisiaren eragina handiago izan zen, baina talde hau errekonferentzia ahalmen handiago erakusten ari da.

### • A D I N A

Azken hilabete honetan langabetu kopurua adin tarte guztietan murriztu da. 25-34 adin tartean murriztu a gehien (% 8,8) eta gutxien 55-64 adin tartean (% 1,1). Urte arteko saldoan korrelazio handia ikusten da langabeziaren jaitsieraren eta langabezian dauden lan eskatzaileen adinaren artean. Langabeen % 41,5ak 44 urte baino gehiago ditu, % 31,5ak 35 urte baino gutxiago ditu eta gainontzeko % 27ak 35 eta 44 urteen artean kokatzen dira. Langabeak zenbat eta zaharragoak izan orduan eta zailtasun handiagoak dituzte laneratzeko. Ekonomia, egun, hobetzen ari bada ere, egiturazko langabezia handia utziko du krisiak langabe zaharrenen artean.

### • J A R D U E R A E K O N O M I K O A

2017an zehar langabetu kopurua jarduera sektore guztietan murriztu da. Gehien eraikuntza sektorean murriztu da (% 15,6) eta gutxien zerbitzu sektorean (% 5). Aurretik enplegurik izan ez dutenen artean % 1,9 murriztu da.

Datuak zehatzago aztertuta, langabezia jaitsiera handiena izan duen eraikuntza izan da 3.533 langabetu gutxiagorekin. Jaitsiera nabarmenak izan dituzten beste jarduerak ondorengoak izan dira: manufaktura industria (-2.409) eta jarduera administratiboak (-1.983). 2017an langabezia etxeetako jardueretan soilik murriztu da (+114).

### • L A N G A B E Z I A R E N I R A U P E N A

Urte honetan, epe laburreko langabetu kopurua 6.525 pertsonatan murriztu da eta epe luze-koa 8.964 pertsonatan. Balore erlatiboetan, ikusten da epe luzeko langabetuen kopuruaren jaitsiera % 8,6koa izan dela eta epe laburreko langabeena % 4,3koa. Ekonomiaren susperraldia, bada, aukerak eskaintzen ari da langabe kronifikatuenei.

### • L A N G A B E T U E N K O K A P E N G E O G R A F I K O A

Azken urtean langabetu kopurua Gipuzkoan % 7,4 murriztu da (5.409 pertsona), Araban % 5,9 (2.446 pertsona) eta Bizkaian % 5,4 (7.635 pertsona).

Hiriburuak aztertuta, ikusten da Vitoria-Gasteizen jaitsi dela gehien langabetu kopurua balore erlatiboetan, % 6 (1.996 pertsona). Donostian % 5,2 murriztu da langabezia (929 pertsona) eta Bilbon % 4,5 (2.075 pertsona). Beste eskualde hauetan nabarmen egin du behera langabetu kopuruak 2017an: Ezker Eskualdean (-1.822), Bajo Bidasoa (-816) eta Ibaizabal (-737).

## 2017an erregistratutako langabezia

### • LANGABEZIA - PRESTAZIOA

2017an 72.836 langabek kobratu dute langabezia-prestazioaren bat, hau da, aurreko urtean baino 4.900 langabe gutxiagok. Langabeen % 30,1ek du gizarte-prestazio hori jasotzeko esku-bidea. 49.225 langabek jasotzen dute ordaindutakoaren arabera prestazioa, hau da, langabeen % 20,3 dira horiek. 23.611 langabek (% 9,8), berriz, langabeziagatiko prestazioa jasotzen dute.

Aurreko urtearekin alderatuz, langabeziagatiko estaldura-tasak 0,1 puntu murriztu da.

### • IKASKETA MAILA

Langabeen % 56,9k (137.549 lagun), oinarritzko ikasketak ditu, gehienez ere. Azken urtean, oinarritzko prestakuntza dutenen artean 8.277 langabetu gutxiago erregistratu dira. Talde horretan % 5,7 jaitsi da langabezia azken urtean.

Batxilergo-titulua duten pertsonak langabeen % 9 dira. Talde horretan % 4,4 murriztu da langabezia azken urtean.

Lanbide-heziketa ikasi eta langabezian dauden lagunak 46.073 dira, hau da, langabeen % 19. Talde hau 2017an zehar % 7,2 murriztu da, gehien murriztu den taldea izanik.

Azkenik, langabeen % 15,1ek (36.448 lagun), egin ditu unibertsitateko ikasketak. Ikasketa maila hau dutenen artean % 6,7 murriztu da langabetu kopurua.

### • JATORRIA

Langabeen % 15,3 (36.915 lagun), atzerritarrak dira. 2016arekin alderatuta, ikusten da atzerritar langabetu kopurua murriztu dela, % 4,2, eta bertakoak, aldiz, % 6,3.

Langabe atzerritarren % 30,7a Afrika iparraldekoak dira, % 25,8a Latinoamerikatik datoz, % 20,5a Europako Esparru Ekonomikotik, % 14,1a Saharaz hegoaldeko Afrikatik, eta % 7,5a, azkenik, Asiatik.

## 2017an erregistratutako langabezia

### Lan-eskatzaille langabeak 2017an

|                             | 2017    | 2016    | Saldoa  | Bil % |
|-----------------------------|---------|---------|---------|-------|
| <b>SEXUA:</b>               |         |         |         |       |
| GIZONEZKOAK                 | 112.420 | 122.024 | -9.604  | -7,9  |
| EMAKUMEZKOAK                | 129.502 | 135.387 | -5.885  | -4,3  |
| <b>25 URTEZ AZPIKOAK:</b>   |         |         |         |       |
| GUZTIRA                     | 20.380  | 21.007  | -627    | -3,0  |
| GIZONEZKOAK                 | 10.635  | 10.961  | -326    | -3,0  |
| EMAKUMEZKOAK                | 9.745   | 10.046  | -301    | -3,0  |
| <b>25-44 URTE:</b>          |         |         |         |       |
| GUZTIRA                     | 121.077 | 132.597 | -11.520 | -8,7  |
| GIZONEZKOAK                 | 55.409  | 62.306  | -6.897  | -11,1 |
| EMAKUMEZKOAK                | 65.668  | 70.291  | -4.623  | -6,6  |
| <b>45 URTEZ GORAKOAK:</b>   |         |         |         |       |
| GUZTIRA                     | 100.465 | 103.807 | -3.342  | -3,2  |
| GIZONEZKOAK                 | 46.376  | 48.757  | -2.381  | -4,9  |
| EMAKUMEZKOAK                | 54.089  | 55.050  | -961    | -1,7  |
| <b>SEKTOREA:</b>            |         |         |         |       |
| NEKAZARITZA ETA ARRANTZA    | 4.917   | 5.196   | -279    | -5,4  |
| INDUSTRIA                   | 29.151  | 31.739  | -2.588  | -8,2  |
| ERAIKUNTZA                  | 19.177  | 22.710  | -3.533  | -15,6 |
| ZERBITZUAK                  | 163.007 | 171.605 | -8.598  | -5,0  |
| AURREKO ENPLEGURIK GABE     | 25.670  | 26.161  | -491    | -1,9  |
| <b>LURRALDE HISTORIKOA:</b> |         |         |         |       |
| ARABA                       | 39.172  | 41.618  | -2.446  | -5,9  |
| BIZKAIA                     | 134.628 | 142.262 | -7.634  | -5,4  |
| GIPUZKOA                    | 68.122  | 73.531  | -5.409  | -7,4  |
| EAE                         | 241.922 | 257.411 | -15.489 | -6,0  |